

INUIT ATAQATIGIIT

INATSISARTUNI



UPA2023/58

3. maj 2023

Asii Chemnitz Narup

**Uunga siunnersuut: Kalaallit Nunaata nunasiaataaneranit
ingerlatsinermut pissutsit pillugit qulaajaasoqarnissaanut,
tamatumunngalu atatillugu Danmarkip NP
nunasiaataajunnaarsitsinermut piumasaqaataanik
naammassinnissimanersoq suliassamik allaaserinnitqarnissaanik
Inatsisartunit akuersissutigineqartussatut aalajangiiffigisassaattut
siunnersuut**

(Nunanut Allanut, Inuussutissarsiornermut Niuernermullu Naalakkersuisoq)

Oqaaseqaat:

Qanga pereersimasunik oqaluttuarisaanitsinnillu ilusiligaanerput Inuit Ataqatigiinni akueraarput, aamma pereersimasut suli nammallutigit, kiisalu kikkuunitsinnik silarsuarmillu isiginneriaatsitsinnik pereersimasut suli sunniuteqarfingaaatigut.

Nunatta - Kalaallit Nunaata - oqaluttuassartaa pisimasorpassuaqarfivoq... annernartorpassuarnik ilalinnik. Ikernik ulikkaarpoq ullumikkumut suli aanaartunik aamma suli allanik ikeqarpoq aarriitsuinnarmik mamikiartorusaartunik.

Oqimaaqtigeeqqissaarneqarsinnaasariaqarput - illuata tungaani – pereersimasut takunissaannut sapiissuseqarnissarput, oqaluttuarisaaneq toqqarlugu isigisinnaaneranut, qamuuna anniaatip takusinnaaneranut – ilua tungaatigullu ikilerneqarnerup taassumarpiap passuterusaartuaannarnissaa mamisinnajunnaarsillugu qilerunngungisaannartunngortillugu. Aanaartuarusaartuaannartunngortillugul....

Qileroq akuerineqarsinnaavoq. Qileroq ulluinnarni anniartitsineq ajorpoq. Qileroq attoraanni takugaanniluunniit anniaat eqqaaqqinnejqarsinnaavoq. Tassaniittuarpoq. Peernavianngilaq. Peernavianngisaannassaaq. Ullaarmiilli unnummut qileroq eqqarsaatitsinniittuaannarneq ajorpoq.

Isumaqpunga qilerunngortitsinissamut aqut ingerlavissarigipput: ikivut mamisissavavut. Tamanna pissaaq ataatsimoorluta mamisitsiniaqatigiinnitsigut.

INUIT ATAQATIGIIT

INATSISARTUNI



Taamaattumiguna ukiuni makkunani, Danmarkimik oqaluttuarisaaneqatigiinnitsinni pisimasut arlalissuit qulaajarniarsarigivut, pisimasut Nunatsinnik ikiliisimasut, uatsinnik kalaallnik sakkortuumik annersitsisimasut, itisuumillu aliasutsitsisimasut.

Inuunitsinni tamatta anniaateqarlatalu aliasuuteqarsimavugut. Inimi maani isersimasut tamarmik tamanna misigisimavaat. Soorlulissaq inuit allat taamatorluinnaq misigisarsimasut.

Inuunermi tunngaviit avaqqunneqarsinnaanngitsut ilagaat aliasunneq.

Aliasuutilli anniaatillu ilaqparyut inuunitsinni pinngitsoorsimasariaqaraluakkatsinnik. Tassaapput anniaatit inunnit allanit uatsinnut peqqutissaqanngitsumik pilersinneqarsimasut.

Anniaatip pilersinneqartup inummut malitsigisarpaa apeqqut una: Sooq? Sooq taamaaliorsinnaasimappat?

Inatsisitigut ataataqanngitsut. Pinngitsaalisallutik nuutsinneqartut.

Spiralilersuilluni kanngunartuliorneq. Pinngitsaalisasumik meeravissianngortitsinerit. Meeqqat misileraatit. Hans Hedtoftip umiunera.

Akissutissarsiniarluta oqaluttuarisaanerput kingumut misissorneqarli, ilumoortoq nanerusullugu, nammineq oqaluttuarisaanerput nammineerluta nutaamik paasinissinnaajumalluta.

Ikerli mamitsinnaveersaarlugu passuterusaaginnarusullugu taamaaliussanngilagut....

Aliasuutit anniaatillu inuunitsinni erloqissutigiurnissaat anguniarlugillusooq taama iliussanngilagut...

Naagga, inuiaqatigiittut ingerlariaqqinnissarput siunertaralugu taama iliussaagut.

Tamanna iluatsissappat naggataatigut ikivut mamittariaqarput qilerunngorlutillu.

Inuunerput ingerlateqqissavarput qanoq pisoqarsimanera ilisimaaralugu, qileqquvullu qiviarsinnaasariaqarpavut immitsinnullu oqarfigaluta:

Aap, taamatut pisoqarsimavoq. Maanna inuunerput inuiaqatigiillu pillugit ilungersornerput ingerlateqqissavarput. Makeqqissinnaarsuuvgummi.

Angutip silatuup ilaata oqarnersimaneratuut, puorusutaq uteqqittuaannarpoq. Takkuteqqittarporli amiilaarnartorsuartut isikkoqarluni.

Pereersimasut takujumanngikkutsigit – aamma ajotuliorsimasut takujumanngippatigit takkuttuassapput ajorsiigalutuinnarlutik.

INUIT ATAQATIGIIT

INATSISARTUNI



Nunatta nunasiaataajunnaarsikkiartuaarneqarnerani pisimasunik
nassuaaqqissaarnissaq, nunasiaataasimasullu
nunasiaataajunnaarsikkiartuaarneqarnissaannut NP-it piumasaqaataanik
Danmarki naammassinnissimanersoq ilanngullugu, taakkuussapput toqqarlugit
isigisassavut. Taama isiornikkut oqaluttuarisaanerup eqqortup
ilisimalernissaanut periarfissaqalissaagut.

Amiilaarnartut isaasigut toqqarlugit isigissavagut.

Ingerlaqqinniassagatta.

Neriuutivut, takorluukkavut aamma angorusutavut kingumut
isignerussanngimmata – iperaasariaqarpugut - siunissamut isigaluta
neriuutivut, takorluukkavut angorusutavullu pilersikkiartuaassavagut.

Tamakku pillugit qulaajaasoqarnissaa maanna aallartinneqarnialermat Inuit
Ataqatigiinni nuannaarutigisorujussuuarput.

Pissusissamisoorpoq. Pisariaqarpoq.

Takoriikkavullu naammaqaat.... misigeriikavut naammaqaat...
misilittagarilikkavut naammaqaat,

uku ilisimanissaannut: Ilumoortumik unneqarissumillu Danmarkip tamatigut
oqariartorfigisarsimannilaatigut.

Tunngavilersuutiminnik anguniakkaminnillu imminnut
nunarsuarmioqatitsinnullu oqaatigisamik assiginik, Danmarkip uagut tamatigut
oqarfingineq ajorpaatigut.

Inatsisit tunngaviusut allanngortinneqarneranni aamma Kalaallit Nunaata
inisisimanerata allanngortinneqarnerani pisimasut suuneri – qanoq
pisoqarsimanera, misissorneqassapput, piumasaqaatinik Danmarki
naammassinnissimanersoq qulaajarneqassammat.

Paassisutissanik amigartunik Landsrådi inuiaqtigilli kalaallit
tunineqartarsimanersut qulaajartariaqarpapput.

Ilisimasariaqarpapput danskit naalagaaffiat NP-iinnut qanoq allatarsimanersoq.
Ilisimasariaqarpapput danskit naalagaaffiat Nunatsinnut qanoq
allatarsimanersoq.

Ilisimasariaqarpapput Danmark ilumini allarluinnarnik imalinnik
allatarsimanersoq, avammut tusarliunneqarnaveersaartarsimasunik.

Ajoraluartumimmi...

Ajoraluartumimmi pissutsit imaapput, tatiginninneq mikisuararsuulluni..
Tatiginninneq angisoorujussuulluni.

Tamatullu tatiginninneq akornatsinni atassuteqarnitsinni pissusiviuvooq,
Danmarkip Nunattalu akornanni, tunngavissaqarluarmat....

INUIT ATAQATIGIIT

INATSISARTUNI



Inuit Ataqatigiit sinnerlugit pingasuinnaat taassavakka:
Nuannaarutigaarpuit ullumi aalajangiileratta. Piffissaliunneqartorli
isumaqatiginngilarput. Qulaajaaneq piaarnerpaamik aallartinneqartariaqarpoq.

Qulaajaanissamik suliakkiissummi Danmarkip NP-illu akornanni
allaqatigiittarsimanerup erseqqissumik immikkoortutut
piumasqaatigineqarsimasinnaasorigaluarparput, siunnersuutili oqaasertaasa
iluini tamatuma ersarissumik saqqummiunnissaanut ilisimatuut
periarfissarsisinnaassasut qularutiginatigu.

Aammattaaq naatsorsuutigaarpuit, assersuutigalugit, Atuagagdliutini/AG-mi,
Avannaamiumi Kujataamiumilu allaaserineqartarsimasut qulaajaanermut
ilanngunneqarumaartut.

Qulaajaanissamut taama annertutigisumut aningaasat immikkoortinneqartut
naammannersut inussiarnersumik nalilersoqqussavarput.

Naggaterpiaatigut inussiarnersumik oqaatigissavarput kalaallisuuani
pappiaqqani ilangutani naqqiissuteqarnissaq pisariaqarmat. Pineqartoq tassa
immikkoortoq **IMAI**, immikkoortut pingajuanni, titarnerit sisamaat.
Naqqiissutissatut siunnersuuterput ilanggullugu kakkiupparput.

Siunnersuut Inuit Ataqatigiinninggaanniit taperserparput,
aappassaaniinnginneranilu oqaaseqaatitta ataatsimiitsitaliani susassaqartuni
suliarineqarnissaat kissaatigissallutigu.

Qujanaq.